

## 2 Tesalonaika

<sup>1</sup> Paulo, Sailas so Timoti n̄edo n̄ei n̄erep doku tau tau magu, Tesalonaika matko gemami, Anutu Magak so Waom Yesu Kristo wane n̄ei n̄erep, n̄inane kibi iwa qemaine. <sup>2</sup> Anutu Magak so Yesu Kristoŋo maine wet menaŋ so peam n̄iboniake.

*Kristo Yewao Wano Wanok Wakoniake Lotkeake*

<sup>3</sup> Kimakop, naso banem n̄ene n̄inane ranem paki Anutu bakomine kito okanmaine. N̄ene iwa okanmaine, yemo mayakatne, onokawane n̄inane mali malipn̄ineŋo zok manerop suamaike, so wet maep n̄ine bonep bonep yewaŋo doku tau tau magu okan nagukei, yewa mo zok kakapa suaine okanmaike. <sup>4</sup> Kine ea wane, n̄ene n̄edom Anutu wane doku tau tau magu gemami, eŋane keueno n̄ene n̄inane don kisi ra mawa n̄une okanmaine, n̄ene ra edane mawaŋune okanmaine, yemo n̄aba edo masi worik okanŋunbi, n̄ine wikile so wetborik korop geu paki, mali malipn̄ine mi qorodonŋi soringeu paki, togogle malipke okoramami paki, umat so wikile kine kine korop teweke okoramami, ea wane.

<sup>5</sup> Iwa yemo Anutu wane wano wanok koboine, onoka wane kine korop iwa yalinane, n̄ine ban gege togon Mat Uruminane kotino wake waket wane rokop maratkaikei wane n̄ine wikile kutno gemami. <sup>6</sup> Anutuŋo detki koboine pamaike, ea wane rokop ban okanŋoniake, n̄ine wikile n̄ibonmami, n̄ei yewa eŋe wikile eboniake. <sup>7</sup> N̄o

wikile detmami, ñine yemo magunut ñungi paki, ñene yaleka okan ñoniake, eñe iwa bañ okan-iake yemo Waom Yesu eñine lotkeake, naso yewao añelo magukoune zonominerop loutne eñerop qeliwo ñine sari okanñoniake. <sup>8</sup> Gerep bolamgorop sariki paki Anutu mi detka okanmami, ñei yewa so Waomze Yesu Kristo wane Don Maine yewa dere ñadek okanmami ñei yaline korop engu matalioniake. <sup>9</sup> Ñei yewa eñe turuñine bori wori wane wikile togogole maratkau Waom kaitino ñine so zomine togogolane saraino, ñine ebu mapok one biraongi ariki. <sup>10</sup> Eñe sariake, Kaiwe Naso yewao yemo, ñei ñerep magukoune korop eñano ñine qeli ewe zonom mayakane, so mali malipkorop eñanoñine bakom mawa mawa mayakane, ñine yaleka weneñ eñane keuo okorakei, onokawane ñene don ñidangone, yewa ñine dere malipkakoi, ea wane.

<sup>11</sup> Kine iwa yale wane, ñene naso bañem ñinane meñenka okanmaine, ñene Anutuze olatmaine, yemo ñine gege gekeiwane raki paki, ñidora newannunge, ea wane rokopko gekei wane, olat okanmaine, wane eñe eñine zonomño maine qesiñungi, kine kine maine korop okangei wane wetkemami, yewa okanwarekei, paki mali malipñinane urata wele maratka warekei. <sup>12</sup> Numa yaleoken okanbi, Waomze Yesu wane eñetineño ñine ñibu wieake, ño ñido eñane eñetine ma wiekei, iwa yemo Anutuze so Waomze Yesu Kristo qomine rarainane yale okan ñuniake, ea ñene ñinane meñenka okanmaine.

## 2

### *Borikine Mama N̄ei Ēje Wakone N̄ei Wet Ma-siuk Okanone Geki Yesu Lotkeake*

<sup>1</sup> Kimakop, Waomze Yesu lotke lotkeinane so n̄enze ējerop wenēn maratnagu gege wane don iwa yale n̄idanmaile, <sup>2</sup> isi n̄ei natne ēje rakoi, Waom sariakane nasoine mo lotke more yuann̄unge, yale ra n̄idanbi n̄ine ikopka wetn̄inējo misuk dere siukkei, me mi qisekei. N̄inano n̄ino n̄ei natnējo Asu wano more raik̄ei, me n̄enane ān̄ao more n̄idanikei, me raik̄ei edo kibiwo qe n̄ebongoi, yale n̄idanikei. <sup>3</sup> Don kine kine yale, me yale ra isin̄unbi misuk desikei, Waom wane Naso ikopka mi bomileake, alakane miti Matali Qetali Mama N̄ei yewa wakone pakimo, Borikine Mama N̄ei ēje gerep sorao wane bin̄ek, ketki zeakane didiwo wakoniake. <sup>4</sup> Ēje bān̄ n̄ei ēje yeye kine kine korop ea wane ra mēn̄enka okanmami, so n̄ei ēje yeye kine kine mayakatne ra okanmami, yewa n̄abaka wareake. Ēje bān̄ ējine ējetine mawa naguki paki, natne korop ebu ket biraoniake, paki Anutu wane Bakom Urungo ari waketki paki pese mere ējinane “na Anutu” rayake.

<sup>5</sup> Na n̄inerop gekole, yewao iwa wane mo korop n̄idan warekole, n̄ine ea mi detmami me? <sup>6</sup> N̄o iwa yemo wakonbe rakimo, kine kine man̄ējo len̄kamaike, ea n̄ine mo detkamami, nasoine pamaike, yewao yemo Borikine Mama N̄ei, yewa ēje bān̄ didiwo wakoniake. <sup>7</sup> Borikine ēje urata mo sank̄a ma okanmaike, n̄o tanik daleo wakoniake, eamo ikop mi wakoniake. Ēje paki n̄ei

mane maŋo mainkaki zinge okanmaike, ea maki masikaniake. <sup>8</sup> Pakimo Borikine Mama eŋe baŋ didiwo wakongimo, Waom Yesu wane Asuineŋo aŋaino ŋine baŋ saketki paki qeake, paki didiwo sari lotkeakane qeli ewe zonomineŋo qe kito pelekki siukeake. <sup>9</sup> Borikine Mama Ŋei yewa, eŋe baŋ Satan wane zonom yewarop sariake, paki masi kine kine togole mayake, so tanik kine kine isisine so gotkoine kuneŋine mayake. <sup>10</sup> So ŋei midakei wane biŋek gemami, eŋe borikine maikei wane, wet masiuk okanoniake, eŋe midakei yemo onoka wane mida, eŋe don wele dere mena menaŋ yewa ŋadekka okanmami, ea wane midakei. <sup>11</sup> Kine iwa yalinane, Anutuŋo liwe liwek wane zonom suaine talekaki ket more, ŋei eŋane keueno urata maki, eŋe isi don wele midaine yewa dere malipkaikei. <sup>12</sup> Ea wane weleine yemo ŋei korop don wele dere mi malipka okanmami, ŋo eŋe siluŋ borikine simile det okanmami, ŋo eŋe siluŋ borikinane simile det okanmami, eŋe turuŋine wikile maratkaikei.

### *Anutuŋo Koso Ŋibuyakane Mo Ma Wakonŋunge*

<sup>13</sup> Kimakop, ŋine Waomŋo wet maep okanŋun okanmaike, ŋene ea wane ŋinane Anutu naso baŋem bakomine kito okanmaine, Anutuŋo mokaka koso ŋibuyakane ma wakon ŋunge, yemo Asu wane zonomŋo ŋibuki Anutu wane ŋei ŋerep magu libe libe okangoi, so mali malipŋineŋo don wele dere malip kakoi, yale okangoi wane, Anutuŋo koso ŋibuke. <sup>14</sup> Ŋene don maine ŋidangone yewao, Anutuŋo ŋidora newan ŋunge, eŋe newan ŋunge, yemo ŋine

Waomze Yesu Kristo wane qeli ewe zonom yewa welaine okane ma gekeiwane. <sup>15</sup> Eso ea wane kimakop, njine togogole okorau paki, don wele kito njibongone, anjanjo njidangone, me kibiwo qe njibongone, yewa malilipka okorakei.

<sup>16</sup> Waomze Yesu Kristo onjom, so Anutu Magazenjo wetmaep okan njonge, so enjine wetne mayakakatnane wetpese papatogon yewa, njenane binjek rake, ea toma kakenane ra njebonge.

<sup>17</sup> Onjo maine njinane kotonjine maki qaeake, so ma togolejungi togole more urata maineka maikei, so don mayakatneka raikei.

### 3

#### *Nenane Mejenkau Anutuŋo Qesinjoniake*

<sup>1</sup> Kimakop, njenane rau paki mejenkau, Waom wane donjo tako rakotka sua ariki qeli ewe zonomine njinane keu njino wakonge, yalewaka wakone ariake. <sup>2</sup> Eso koso yaleka mejenkau, Anutuŋo nei borikine mama so tanik manikene qotkoine enjane meteo njine makokjoniake. Nei koropjo Anutu wane don dere malipka mi okan okanmami.

<sup>3</sup> No Waom yemo raki togole togole, ea wane ene ban ma togolejuniake so warenjungi, Nei Borikine Welainejo mi njibu teba njuniake. <sup>4</sup> So Waomjo njinane raki paki wet pesek njebonmaike, njene detlukmaine yemo njene don njidanmaine, yewa njine dere ma okanmami, wane njene koso don njidanjem njine ban dere takotke ma okane gekei.

<sup>5</sup> Waomŋo maine kotoŋine iwenkaki, Anutu wane wet maep yewa qeirop dere ketpi paki, Kristoŋo togogole okora umat teweke ŋebonge, yewa detluk kaikei.

*Urata Kitoqoke Qewolon Ge More Miti Mage Mage Eamo Mi Pamaike*

<sup>6</sup> Kimakop, Waomze Yesu Kristo wane eŋetko ŋene togoleka ŋidannem detpi, kimakopze doku tau tau magu natneŋo taboŋ qewolon ge okanmami, eŋe ŋedo don kito edangone, yewa mi teweke mogare ge okanmami, ŋei yaline eŋe korop kakakŋone arikei. <sup>7</sup> Ŋine ŋidom kine mo detlukware mami, wane ŋene okangone ea wane rokopka ŋine okanikei, ŋene ŋinerop geŋem paki, taboŋ qewolon mi gekone. <sup>8</sup> Ŋene ŋei mane wano ŋine sola qesiŋ mane lewine midaine mi omakakone, midakaka, oma kaikenane turuŋine yemo ŋene urata makone, so wikile detkone, kaiwe so ruo urata togogole makone paki, natne ŋine wikile urata mi ŋibonikenane, yale okangone. <sup>9</sup> Ŋene iwa okangone yemo, ŋene Aposolo ŋetne wesi aboŋ wane qesiŋ ŋonikenane ranunŋem rap, ŋo ŋene ŋinano ŋine sola qesiŋ mane mi ranunŋem ŋebongeŋi yem midaka, ŋene iwa okangone, yemo ŋine ŋene okangone, yewa kau paki mogare, yalewaka okane gekeiwane numa sikan ŋungone. <sup>10</sup> Ŋene ŋinerop ge more, iwayale ŋidangone, “Ŋei mane urata mayakane bauine wakiso, ŋine ŋara misuk manbi neake!”

<sup>11</sup> Ŋene don iwa ramaine yemo onokawane, ŋene detŋem, ŋei natne eŋe ŋinane keu ŋino taboŋ qewolon geokanmami, eŋe urata mane mi mama

yaup nei natne enjane uratao dongoka welainenjo qole qole don sawan rau paki, qewelon geokan-mami. <sup>12</sup> Nene Waom Yesu Kristo wane Pidon wane nei yewa togoleka edane more, girem don iwa yale edannem detlukkei, ene pese ketluka mere urata mau wele wakongi, enjano njine ma nekei.

<sup>13</sup> No kimakop, njine yemo silun masi tanik maine okanikei wane, baunine misuk wayake. <sup>14</sup> Yewao nei manenjo don korop kibiwo ge njibonmaine, iwa ban dere mi tewekeake, ene yale okangiso, njine kineine detkau paki, kine kine mane misuk okanka more qelinjau, enineka geake. Paki kineine dere ban gamukaki, wetine maingeake. <sup>15</sup> No njine naba yale misuk okankaikei, ea wane turunine yemo kima ma more, girem don olasikei.

### *Don Mosop Piwitne*

<sup>16</sup> Waom enjine, yemo nenane peam wane kine, onjo naso banem peam maine ma wakone njiboniake paki, njinano rokopke ware payake, Waomjo njinerop korop ge wareake. <sup>17</sup> Na Paulo, nae metenenjo kibi piwitne iwa ge more, kaiwe maine ramaile. Kibi ge okanmaile, korop ea wane mete kibine iwa yale mot okanmaile. <sup>18</sup> Waomze Yesu Kristo wane mosopjo njinano korop papa togon pawareake.

**Waom Yesu Wane Sigi Maep Don**  
**The New Testament in the Ono Language of Papua**  
**New Guinea**  
**Nupela Testamen long tokples Ono long Niugini**

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963